

**Summerfrag'n.**

Hab'n s' sunst an'n Summerplatz wo g'suacht,  
 Hab'n s' g'fragt: Wie is dö Geg'nd? —  
 Is do a wenig a Zuasucht dort,  
 Wann's hint'r anand z'viel reg'nt?

Gibt's neb'n an'n See zum Schifferlsfahr'n?  
 An'n Berg zu'n Umakreln? —  
 An'n Wald? — Für d' Kinder Wiesengründ,  
 Wo s' können spiel'n und faheln? —

Um dös und nu viel mehr hab'n s' g'fragt,  
 Heunt wird auf All's vergessen:  
 Wann s' iagt in'n Kriag was suchen d' Leut,  
 Frag'n s' nur: — Gibt's was zum Essen?  
 M. Schadel.